

SCRIPT OF MORNING GOJRI NEWS BULLETIN 2 AUG 1015 HRS

مارننگ گو جری نیو ز بلیٹن مورخہ 2 اگست 2025

یوہ آکا شوانی جموں ہے عبدلرحمان تین خبر سُنو۔

LG ARMY OFFICERS

لیفٹیننٹ گورنر منوج سنہا نے ترے خدمات غا نمایاں افسران نانہہ مبارک باد دیتا واں تے شکریو ادا کرتا واں کہیو ہے جے ہم نانہہ عزم کرنو چاہیے جے ہم ہر دہشت گرد تے دہشت گرد تنظیم نانہہ ختم کران گا جہڑہ مہاری سلامتی تحفظ تے خواشالی واسطے خطرہ بنیں لیفٹیننٹ گورنر منوج سنہا نے یاہ گل فوجی جنگلی کالج موہور غا افسران تے تدرسی عملہ سنگ راج بھون سرینگر مانہہ خطاب کرتا واں کہی فوجی جنگی کالج مانہہ ہایر کمانڈر کورس 54 مانہہ شریک افسران سنگ گل بات کرتا واں لیفٹیننٹ گورنر موصوف نے معاصر جینو سیاسی جیو حکمت عملی امور انسداد دہشت گردی غا حکمت عملی تے دہشت گردی غا نظام نانہہ ختم کرن واسطے مکمل سرکاری نقطہ نظر ور تبادلہ خیال کیو اس موقعور لیفٹیننٹ جنرل ہر جیت سنگھ ساہی کمانڈیٹ فوجی جنگی کالج تے دوجا وی ات موجود تھا۔

KULGAM ENCOUNTER

وادی کشمیر مانہہ کولگام ضلع غا اکھل دیو سر علاقہ مانہہ حفاظتی دستاں تے دہشت گردان بشکار جاری ایک تصادم اج سویرے مانہہ ایک دہشت گرد ماریو گیو ہے یوہ حفاظتی دستاں تے دہشت گردان بشکار یوہ تاکرو کل شام اس وقت شروع ہوو جد علاقہ مانہہ دشہ گردان غی موجودگی غا بارہ مانہہ خفیہ اطلاعات موصول ہوئیں یاہ سانجی کاروائی فوج جموں و کشمیر پولیس تے سی آر پی ایف غی طرفوں کی گئی ات تک پھر تیں وقفہ وقفہ سنگ سخت فائرنگ جاری ہے۔

CITIZEN CENTRIC SERVICES

محکمہ قانون انصاف پارلیمانی امور نے شہریاں گی خدمات نانہہ بہتر بنان غا ایک اہم قدم غا طور ور کل چیف سیکرٹری اٹل ڈلو ناہہ شہریاں ور مرکوز خدمات گاناں سنگ ایک نویں پہل پیش کی اس پہل مانہہ 10 بکھ بکھ ماڈیولز شامل ہیں جنہاں نانہہ کلیدی عوامی خدمات تک رسائی نانہہ آسان بنان واسطے تیار کیو گیو ہے جن مانہہ قانونی امداد تے مشورہ ماڈیول وی شامل ہیں یاہ ماڈیول شہریاں نانہہ قانونی امدادی مشیراں تے مفت قانونی مشورہ فراہم کرن آلا وکلا سنگ جوڑینگا تے ریاستی و ضلعی قانونی خدمات اتھارٹیز غی رابطہ تفصیلات فراہم کرینگا یہ موبائل اپلیکیشن مرکزی تے ریاستی قوانین قواعد و ضوابط تک آسان رسائی فراہم کرے گی تے قانون غا مہکمہ غی ویب سائٹ تے انڈیا کوڑویب سائینٹ سنگ وی رابطو فراہم کرے گی۔

CS JK SAMADHAN

چیف سیکرٹری اٹل ڈلو نے گزشتہ روز ایک میٹنگ غی صدارت کی تانجے شہریاں گے مسائل کو جے کے سمادھان تے سی پی گرامز پورٹل غے ذریعے حل کرن مانہہ عوامی شکایات غا محکمہ کی کارکردگی ت موثریت گو جائیزو لیو جاسکے۔ اس میٹنگ

مانہہ تمام انتظامی سیکرٹریز تے محکمہ گہا سنئیر افسران نے شرکت کی جد کہ یونین ٹریڈری بھر گا ڈپٹی کمشنرز نے ور چول طورور حصہ لیو۔ میٹنگ غے دوران طید سیکرٹری نے جے کے سمادھان پورٹل مانہہ جاری بہتری غا اقدامات غو جائیزو لیو تانجے اس نانہہ مزید صارف دوست تے مائر بنایو جاسکے۔ شکایات غا حل وقت ت موثر نانہہ جانچن واسطے ضلع وار تے محکمہ وار تفصیلی کارکردگی گا آڈٹ وی کیا گیا۔

HAR GHAR TIRANGA

جموں صوبہ غی بکھ بکھ ضلع انتظامیہ اج تیں ہر گھر ترنگا مہم 2025 شروع کر رہی ہے۔ یاه مہم 2 اگست تیں 15 اگست تک آزادی کا امرت مہا اُتسو تقریبات غا حصہ غا طور ور منائی جے گی تے یہ قومی سطح غی پہل غو حصو ہے۔ کٹھوعہ ضلع مانہہ اس سلسلہ مانہہ میٹنگ ایڈیشنل ڈپٹی کمشنر غی صدارت مانہہ منعقد ہوئی جد کہ ادھمپور رام بن تے کشتواڑ غا ڈپٹی کمشنراں نے اپنا اپنا ضلعان گا صدر دفتر مانہہ میٹنگان غی صدارت کی تے شہری و دیہی علاقان مانہہ تمام سرکاری محکمان کی شمولیت نانہہ یقینی بنان غی ہدایت دتی اُنہاں نے سکول غا بچاں نوجواناں تے زندگی غا تمام شعباں سنگ تعلق رکھن آلا شہریاں غی شرکت بارے اپیل کی تانجے قومی فخر اتھاد تے حب الوطنی غا جذبہ نانہہ فروغ دتو جاسکے۔

NEP

قومی تعلیمی پالیسی 2020 ایک جامع فریم ورک ہے جہیرو بھارت گا تعلیمی نظام غی مکمل اصلاح واسطے تیارکیو گیو ہے ضلع رام بن مانہہ محکمہ تعلیم نے اس پالیسی غے تحت کئی پروگرام منعقد کیا ہیں یاه پالیسی ہمہ جہتی تعلیم پیشہ وارانہ تربیت ت یڈیجیٹل انضمام ور زور دے تانجے ایک زیادہ لچکدار کٹر الجہتی تے طلبہ مرکوز تعلیمی نظام تیار کیو جاسکے پالیسی مادری زبان یا علاقائی زبان نانہہ جماعت پنجم تک تعلیم غو ذریعو بنان غی حوصلہ افزائی کر تے اس غے تسلسل نانہہ جماعت اٹھویں تے اس غے بعد تک جاری رکھن غی سفارش کرے۔

MISSION YUVA

اننت ناگ راجوری حلقہ انتخاب غا ممبر پارلیمنٹ میاں الطاف نے کل مشن یوا پروگرام غے تحت ایک روزہ اپنی مدد آپ گروپ میلہ گو افتتاح حکیو یاه تقریب بیلا پارک راجوری مانہہ منعقد ہوئی میلہ مانہہ اپنی مدد آن گروپ غا ممبران یواہ دوت ہے ہنر تعمیر و ترقیات یونٹ ت ترقیات باری کاروبار مرکز غا نمائندہ وی شامل تھا متعلقہ محکمان گا سٹالز ور کود روز گار سکیمان اہلیت غا اصولاں تے مالی امداد گا طریقہ کار نانہہ اُجاگر کی وگیو وو تھو ذرائع ابلاغ سنگ گل کرتا واں ممبر پارلیمنٹ میاں الطاف نے کہیو جے ایسا پروگراماں غے ذریعے مصنوعات غی ماکٹینگ اچھہ طریقہ سنگ کی جے۔

EXPRESS WAY COMPENSATION

وجے پور مانہہ ایک معاوضہ تقسیم کیمپ گو انعقاد کیو گیو جہیرو ڈپٹی کمشنر سانہہ راجیش شرما غی نگرانی مانہہ ہوو یہ معاوضہ دہلی کٹڑہ ایکسپریش وے غی تعمیر واسطے حاصل کی گئی زمین تے ٹھانچاں گا سلسلہ مانہہ دتا گیا کیمپ غے دوران تقریباً ترے کروڑ 17 لکھ روپیاں غی رقم 29 مستفیدان مانہہ تقسیم کی گئی ڈپٹی کمشنر نے

موقعور ہی زمین مالکاں تے مقامی لوکاں غی شکایات وی سنیں اس موقع ور بڑی تعداد
مانہہ مقامی لوکاں غی موجودگی دیکھی گئی۔

CRICKET

کرکٹ مانہہ بھارت اپنی دوجی انگز غو کھیڈ دوبارہ شروع کرے گو جد انگلینڈ غے
خلاف پنجواں تے آخری ٹسٹ میچ غا نتیجہ روز غو آغاز وے گو یوہ میچ اینڈرسن ٹنڈ ولکر
ٹرافی غے تحت اج دی اوول لندن مانہہ ہو رہیو ہے بھارت غو سکور رات توڑی 2ویکٹ
ور 75دوراں گو تھو میچ بھارتی معیاری وقت غے مطابق ترے بج غے 30منٹ ور شروع
وے غو۔
